



Omladinski Komunikativni Centar

mart - juni 2006

PROGRAM IZGRADNJE MIRA I RAZVOJA DEMOKRATIJE

PROJEKAT: "IZGRADNJA PRAVEDNIH STRUKTURA U BIH"

PROJEKAT: "JAČANJE KAPACITETA CIVILNOG DRUŠTVA U
MONITORINGU SREDNJOROČNE RAZVOJNE STRATEGIJE U
BOSNI I HERCEGOVINI"

RAZVOJ SAVJETA UČENIKA U BOSNI I HERCEGOVINI

SARADNJA OKC, STIFTUNG SHL I OEBS

PROJEKAT: "RAZVOJ VOLONTERIZMA MEĐU MLADIMA
2006"

PROJEKAT: "ODRŽIV RAZVOJ SAVJETA UČENIKA SREDN-
JIH ŠKOLA REPUBLIKE SRPSKE"

PROJEKAT "PROMOCIJA UČEŠĆA STUDENATA I UČENIKA
U OBRAZOVNIM REFORMAMA U BOSNI I HERCEGOVINI"

VOLONTERSKI PROGRAMI I GLOBALNA PARTNERSTVA

VSO/OKC RAZVOJ VOLONTERSKIH PROGRAMA U BIH

BALKANSKA FUSNOTA

RIVER SEE

OKC KONTAKT TAČKA ZA PROGRAM EVROPSKE
KOMISIJE „MLADI“

„LOKALNI VOLONTERSKI SERVIS GRADA BANJA
LUKE“ POSTAO SAMOODRŽIV PROGRAM

LIJETNI VOLONTERSKI KAMPOVI

RADIO BALKAN

PSIHOSOCIJALNI PROGRAM

PSIHOLOŠKO SAVJETOVALIŠTE

USLUGE ZA ZAJEDNICU

KURS ENGLESKOG JEZIKA

Program izgradnje mira i ravoja demokratije

PROJEKAT: "IZGRADNJA PRAVEDNIH STRUKTURA U BIH"

U partnerstvu sa Catholic Relief Services BiH (CRS) i sa Bosanskim savjetom za pomoć Tuzla (BOSPO) OKC realizuje od oktobra 2005. do septembra 2007. godine projekat u 8 opština koji ima za cilj razvoj saradnje između građanstva i lokalnih vlasti putem kreiranja i sprovođenja efikasnih mehanizama građanske participacije.

U Banjaluci u proteklom periodu oformljena je akciona grupa koja se sastoji od predstavnika Administrativne službe grada Banjaluke (ASGBL), predstavnika Centra za socijalni rad, predstavnika nevladinog sektora, predstavnika Posmatračke misije mladih u Skupštini grada, predstavnika Republičkog pedagoškog zavoda i predstavnika studentskih organizacija. Na osnovu potreba građana i u skladu sa procesima koji su u toku a imaju za cilj uključivanje građana u rješavanje aktuelnih problema u lokalnoj zajednici, akciona grupa je kreirala akcioni plan koji će predstavnici nevladinih organizacija u saradnji sa ASGBL realizovati u narednom periodu. Plan uključuje dodjelu granta ASGBL za realizaciju aktivnosti koje



će promovisati i razvijati volonterizam na lokalnom nivou kao i dodjelu grantova za realizaciju dvije kampanje koje će imati za cilj da animiraju građane da se uključe u završnu rekonstrukciju sigurne kuće, te redefinisane kriterijuma raspodjele budžetskih sredstava ASGBL za stipendiranje.

Od 18. do 20. juna 2006. u Neumu je održana državna konferencija na kojoj su predstavnici akcionih grupa iz 8

opština u kojima se realizuje ovaj projekat (Mostar, Travnik, Kladanj, Gradačac, Banjaluka, Srebrenica, Tuzla i Bugojno) imali priliku prezentovati akcione planove i razmjeniti iskustva po pitanju saradnje građana i lokalne vlasti.

PROJEKAT: "JAČANJE KAPACITETA CIVILNOG DRUŠTVA U MONITORINGU SREDNJOROČNE RAZVOJNE STRATEGIJE U BOSNI I HERCEGOVINI"

U partnerstvu sa Catholic Relief Services BiH (CRS) i ICVA Sarajevo realizujemo projekat od oktobra 2005 do septembra 2006. godine

Cilj projekta: Učešće građanskog društva u podizanju vladine odgovornosti u kreiranju politika u okviru državne razvojne strategije.

Projektne aktivnosti: Radionice i sastanci sektoralnih grupa, sastanci i konsultacije radne grupe sa sektoralnim grupama, javne tribine, aktivnosti javnog zagoaranja, podizanje kapaciteta sektoralnih grupa nevladinih organizacija uključenih u monitoring, medije i promociju razvojne strategije i njezine implementacije.

OKC je u Banjaluci realizovao sastanke sa predstavnicima nevladinih i studentskih organizacija u aprilu u cilju diskusije o uključivanju prioritetnih aktivnosti u dokument Omladinska politika u Republici Srpskoj.

Organizovan je okrugli sto 2. juna u hotelu Bosni sa predstavnicima studentskih unija iz BiH o učešću studenta u kreiranju zakona o visokom obrazovanju i obrazovnoj reformi.

RAZVOJ SAVJETA UČENIKA U BOSNI I HERCEGOVINI

Na inicijativu OEBS-a u BiH oformljena je radna grupa, u čijem radu je učestvovala i predstavnica OKC-a, koja je od aprila do juna 2006. radila na izradi priručnika za razvoj savjeta/vijeća učenika u BiH. Priručnik je namijenjen svim srednjim školama u BiH i pored metodologije razvoja savjeta/vijeća učenika, osnovnih vještina neophodnih za efikasno funkcionisanje i rad ovog tijela, ciljeva rada, sadrži i sve članove zakona koji na prostoru BiH regulišu rad ovog tijela. U Mostaru 13-14. juna radna grupa je predstavila nacrt

brošure predstavnicima pedagoških zavoda iz svih kantona, Republike Srpske i distrikta Brčko Distribucija priručnika očekuje se početkom školske 2006/07 godine.

SARADNJA OKC, STIFTUNG SHL I OEBS

Organizacije koje u Bosni i Hercegovini rade na razvoju savjeta/vijeća učenika tokom maja i juna 2006. godine definisale su projekat koji će zajednički tokom jula realizovati u cilju jačanja kapaciteta predstavnika savjeta/vijeća učenika iz BiH. Projekat obuhvata sedmodnevnu edukaciju 48 predstavnika vijeća/savjeta učenika koja će se održati u periodu od 11. do 15., te od 28. do 30. jula. Organizacije su kreirale zajedničku metodologiju rada koja ima za cilj stvaranje grupe vršnjačkih edukatora koji će u narednoj školskoj godini raditi na jačanju savjeta/vijeća učenika u srednjim školama BiH.

PROJEKAT: "RAZVOJ VOLONTERIZMA MEĐU MLADIMA 2006"

U periodu februar-april u 30 srednjih škola u Banjaluci, Gradišci, Mrkonjić-Gradu, Prijedoru, Prnjavoru i Doboju održane su jednodnevne edukacije za vršnjačke edukatore. Na ovim edukacijama je 614 predstavnika savjeta učenika ovih škola diskutovalo o temama bitnim za funkcionisanje ovog školskog tijela, te je obučeno za vođenje radionica iz oblasti bitnih za razvoj aktivizma i volonterizma srednjoškolaca: timski rad, liderstvo, efikasni načini komunikacije, grupno donošenje odluka, izbor lidera tima, volonterizam u školi i lokalnoj zajednici, motivisanje učenika za volonterske akcije.

Nakon završene edukacije, vršnjački edukatori su u svojim školama na časovima odjeljske zajednice vodili ove radionice i na taj način prenosili stečeno znanje i vještine drugim učenicima škole. Ovaj proces se odvijao uz superviziju koordinatora za rad sa savjetima učenika tih škola te monitoring od strane OKC-a. U programu vršnjačke edukacije ukupno je učestvovalo 8778 učenika iz 30 škola.

Od marta mjeseca počela je realizacija programa volontiranja srednjoškolaca u javnim institucijama, koje za svoje korisnike imaju djecu sa posebnim potrebama i stare ljude. Ovaj program se odvija u slijedećim institucijama i gradovima: Dječiji dom „Rada Vranješević“ Banjaluka, Centar „Zaštiti me“ Banjaluka, Zavod za rehabilitaciju „Dr Miroslav Zotović“ Banjaluka, Socijalno-gerijatrijski centar Banjaluka, Specijalna

škola „Đorđe Natošević“ Prijedor, Dom penzionera Prijedor i Socio-pedagoške životne zajednice Gradiška.

Srednjoškolci – volonteri kroz različite načine volonterskog angažovanja (društvene igre, edukativne, sportske, kreativne i zabavne aktivnosti, pomoć u svakodnevnim aktivnostima koje korisnici teško obavljaju sami) upotpunjuju provođenje slobodnog vremena korisnika. Do sada je u program uključeno



250 volontera koji, nakon edukacije o volonterizmu te specifičnim modelima volotiranja u pojedinim institucijama, sprovode aktivnosti uz superviziju obučениh studenata psihologije i socijalnog rada, te osoblja u ovim institucijama. Aktivnosti i postignuća savjeta učenika srednjih škola, volonterizam u školi i lokalnoj zajednici te aktivnosti ovog projekta predstavljeni su u 8 radio emisija „Srce, ruka, lopata“, koje su emitovane na Balkan radiju.

Projekat je finansijski podržan od strane IBHI, SDC i Stihing YCC Holland.

PROJEKAT: "ODRŽIV RAZVOJ SAVJETA UČENIKA SREDNJIH ŠKOLA REPUBLIKE SRPSKE"

U okviru projekta "Održiv razvoj Savjeta učenika u srednjim školama Republike Srpske" u periodu od marta do juna 2006. godine realizovane su sljedeće aktivnosti:

- Edukacija vršnjačkih edukatora
- Vršnjačka edukacija
- Implementacija projekata savjeta učenika
- Evaluacioni sastanci sa koordinatorina za rad sa savjetima učenika.

Od marta do početka maja mjeseca završena je edukacija predstavnika savjeta učenika u srednjim školama uz pomoć dva trenera iz OKC-a. Po završetku ove aktivnosti 1650 predstavnika savjeta učenika iz 85 srednjih škola, koliko ih je bilo obuhvaćeno projektom, je prošlo edukaciju za vršnjačke edukatore.

Nakon edukacije u školi, predstavnici savjeta učenika su uz podršku supervizora, realizovali vršnjačku edukaciju o razvoju savjeta učenika i volonterizma u odjeljenjima svoje škole. Do početka juna ukupno 22 843 učenika su prisustvovali radionicama vršnjačkih edukatora realizovanim na časovima odjeljenskih zajednica. Ove vršnjačke radionice su im pružile osnovna znanja vezana za organizovanje rada savjeta učenika, komunikaciju, timski rad i planiranje i organizovanja volonterskih akcija.

O efektu ovih edukacija te sprovedenih radionica možda govori i činjenica da se na konkurs za dodjelu malih grantova koji smo raspisali u aprilu mjesecu prijavilo 59 srednjih škola sa različitim idejnim rješenjima volonterskih akcija. Ove volonterske akcije savjeta učenika imale su za cilj rješavanje problema na nivou škole ili zajednice.

Nakon odabira najuspješnijih projekata od strane pet članova komisije (po jedan predstavnik Republičkog pedagoškog zavoda, IOCC Banja Luka i tri predstavnika OKC-a) tokom maja i početka juna mjeseca realizovano je 29 projekata savjeta učenika.

Ukupna vrijednost odobrenih projekata je 14,221.70 KM



Škole čiji su savjeti učenika dobili sredstva za realizaciju volonterskih akcija su sljedeći:

- SŠ „28. Juni“, Istočno Novo Sarajevo – „Radio Izazov“
- Gimnazija, Mrkonjić Grad – „Kocka“
- Specijalna škola „Đorđe Natošević“, Prijedor –

„Rekonstrukcija platenika“

- MŠ „Nikola Tesla“, Teslić – „Sanacija školskog namještaja-klupa“
- SŠ „Nikola Tesla“, Šamac – „Uređenje školskog dvorišta“
- SŠ „Đuro Radmanović“, Novi Grad – „Uređenje školskog hola“
- Srednjoškolski centar, Srebrenica – „Promocija volonterizma kroz uređenje školskog dvorišta“
- Elektrotehnička škola „Nikola Tesla“, Banja Luka – „Igre bez granica“
- SŠ „Vuk Karadžić“, Lopare – „Dvorište ogledalo duše“
- Centar „Zaštiti me“, Banja Luka – „Izletište po mjeri“
- Mješovita srednja škola, Prnjavor – „Kutak za odmor“
- Srednjoškolski centar Milići, Milići – „Ispraćaj maturanata“
- SŠC „Aleksa Šantić“, Nevesinje – „Uređenje školskog dvorišta“
- SŠC Pale, Pale – „Uređenje školskog hola“
- Stručna škola za radnička zanimanja, Derventa – „Tunel“
- SŠ „Nikola Tesla“, Dubica – „Renoviranje učionice SU i stubišta koje vodi do nje“
- SŠC „Jovan Cvijić“, Modriča – „Vršnjačka edukacija za učenike osnovne škole“
- Gimnazija „Filip Višnjić“, Bijeljina – „Srce gimnazije“
- Gimnazija „Jovan Dučić“, Doboj – „Osavremenjivanje i renoviranje školske gimnazije“
- ŠC „Petar Kočić“, Srbac – „Opremanje prostorije SU“
- Elektrotehnička škola, Prijedor – „Opremanje multimedijalnog prostora za SU“
- SŠ Sokolac, Sokolac – „Uredimo školsko dvorište“
- SŠ „Ivo Andrić“, Višegrad – „Fontana sa cvijećem i travnatim tepihom“
- Centar srednjih škola, Trebinje – „Postavljanje oglasne table u hol škole“
- SŠC „Petar Petrović Njegoš“, Čajniče – „Uljepšavanje školskog prostora“
- Gimnazija i SŠ Istočna Ilidža, Istočno Novo Sarajevo – „Iz sjene u svjetliju budućnost“
- Gimnazija, Gradiška – „Da ne vodimo brigu ti donesi knjigu“
- Tehnička škola, Banja Luka – „Djeca i saobraćaj“
- Poljoprivredna i medicinska škola, Prijedor – „Uređenje školskog dvorišta“

Ovim volonterskim akcijama savjeti učenika su uljepšali dvorišta svojih škola, adaptirali i renovirali holove, biblioteke

i učionice. Neke od volonterskih akcija su se fokusirale na širu lokalnu zajednicu uređenjem okolnih izletišta, pružanjem edukacija učenicima osnovnih škola ili organizovanjem različitih aktivnosti za korisnike ustanova koje pružaju socijalnu zaštitu. Ovim poduzetim aktivnostima savjeti učenika su pokazali da mogu i žele da se aktivno uključe u rješavanje postojećih problema te stekli povjerenje ostalih učenika, nastavnog osoblja i cijele škole.

Nakon što su završene sve planirane aktivnosti vezane za realizaciju radionica na časovima odjeljenskih zajednica i volonterskih akcija, u periodu od 20. do 23. juna organizovali smo četiri regionalna radna evaluaciona sastanka sa 85 koordinatora za rad sa savjetima učenika, koji su tokom projekta supervizirali realizaciju radionica kao i volonterskih akcija. Sastanci su organizovani u Banja Luci, Doboju, Foči i Bijeljini. Cilj radnih sastanaka je bio prezentacija realizovanih aktivnosti, te diskusija kroz rad u malim grupama o postignutim rezultatima, otežavajućim okolnostima te preporukama za dalje unapređivanje rada i razvoja savjeta učenika. Na kraju, tokom realizacije ovih sastanaka prezentovana je analiza rada i efikasnosti Savjeta učenika u srednjim školama koja je urađena od strane Republičkog pedagoškog zavoda.



Većina koordinatora za rad sa savjetom učenika se složila da je neophodno nastaviti sa daljom edukacijom predstavnika savjeta učenika kao i profesora-koordinatora za rad sa savjetom učenika. Takođe je istaknuto da je neophodno da se u redovan program realizacije časova odjeljenske zajednice uvrsti program vršnjačke edukacije kao jednog od efikasnih načina motivisanja učenika za učešće u rješavanju različitih učeničkih pitanja, boljeg organizovanja rada savjeta učenika, podsticanja volonterskog rada i akcija, poboljšanja međusobne komunikacije na relaciji učenik-učenik i učenik-profesor. Takođe je istaknuta potreba za priznavanjem ovakvog vida angažovanja profesora, pedagoga ili psihologa koji su na poziciji koordinatora za rad sa savjetom učenika u

okviru četrdesetočasovne radne sedmice.

Projekat je finansijski podržala Međunarodna pravoslavna dobrotvorna organizacija (IOCC).

PROJEKAT "PROMOCIJA UČEŠĆA STUDENATA I UČENIKA U OBRAZOVNIM REFORMAMA U BOSNI I HERCEGOVINI"

OKC je od aprila mjeseca počeo sa implementacijom projekta "Promocija učešća studenata i učenika u obrazovnim reformama u Bosni i Hercegovini". Ovaj projekat se realizuje uz podršku National Endowment for Democracy i trajaće do kraja decembra 2006. godine.

Ciljevi projekta:

- Izgradnja kapaciteta učenika i studenata za učešće u procesima donošenja odluka u srednjim školama i na fakultetima u Bosni i Hercegovini
- Razviti svijest učenika i studenata o njihovim pravima te situaciji u obrazovnom sistemu Bosne i Hercegovine
- Medijski promovisati učešće studenata i učenika u reformi obrazovanja u Bosni i Hercegovini

Realizovane aktivnosti u periodu mart – juni:

- **Trening program za jačanje kapaciteta studentskih organizacija i unija** - U periodu od 31. maja do 3. juna u hotelu "Bosna", Banja Luka organizovali smo prvi trening za predstavnike 9 studentskih unija. Treningu su prisustvovala po tri predstavnika Studentske unije Republike Srpske, Studentske organizacije Univerziteta Banja Luke, Saveza studenata Istočnog Sarajeva, Studentskog



zboru Sveučilišta u Mostaru, Unije studenata univerziteta „Džemal Bijedić“ iz Mostara, Unije studenata Univerziteta u Zenici i Unije studenata Univerziteta u Bihaću. Tokom treninga predstavnici studentskih organizacija su imali priliku da dobiju korisna znanja i informacije vezane za organizovanje rada studentskih unija, planiranje različitih aktivnosti (strateški plan, javno saslušanje, rasprave, okrugli sto) te umrežavanju i formiranju koalicija. Stečena znanja i vještine predstavnici studentskih unija i organizacija će moći primjeniti u tekućem procesu donošenja zakona o visokom obrazovanju. Na kraju ovog treninga date su smjernice za dodatna znanja i teme koje bi se realizovale na idućem treningu planiranom u julu mjesecu.

• **Trening program za jačanje kapaciteta savjeta/vijeća učenika** - od 27. do 30. juna, organizovali smo u Banja Luci trening za predstavnike savjeta/vijeća učenika srednjih škola iz raznih gradova Bosne i Hercegovine. Nakon selekcije pristiglih aplikacija koje smo poslali u oko 100 škola, odabrali smo 30 učesnika treninga iz srednjih škola Banja Luke, Zenice, Sarajeva, Mostara, Brčko Distrikta, Jablanice, Rogatice, Foče, Bugojna, Doboja, Prnjavora, Gradiške, Tuzle, Trebinja, Mrkonjić Grada i Prijedora. Učesnici, predstavnici savjeta/vijeća učenika svojih škola su



tokom ovog treninga imali priliku da dobiju neophodna znanja koja će im pomoći u efikasnijem organizovanju i funkcionisanju njihovih savjeta/vijeća učenika. Pored toga, učesnici su razmjenili informacije i iskustva vezane za rad njihovih savjeta/vijeća učenika, te stekli vještine vezane za samo funkcionisanje savjeta/vijeća, timski rad, liderstvo, komunikaciju, umrežavanje sa drugim savjetima/vijećima, te komunikacija sa drugim školskim tijelima. Ono što se pokazalo posebno korisnim je da je trening pružio mogućnost učesnicima

da prodiskutuju probleme sa kojima se njihovi savjeti/vijeća susreću te da kroz rad u malim grupama istraže načine rješavanja tih problema. Poseban fokus je bio na komparaciju zakonske regulative savjeta/vijeća učenika u različitim kantonima i uticaj na njihovo osnivanje i razvoj u srednjim školama.

• **Realizacija radio emisija** - u proteklom periodu radio Balkan je realizovao 12 emisija "Veliki odmor" i "Studentski žurnal". Zainteresovani slušaoci naročito oni koji pripadaju studentskoj ili srednjoškolskoj populaciji putem ovih emisija su imali priliku da se upoznaju sa projektnim aktivnostima. Naš radio se u saradnji sa još tri radio stanice (Vesta Tuzla, Studentski eFM -Sarajevo i Radio X iz Mostara) potrudio da obezbjedi informacije i novosti vezane za aktuelna pitanjima srednjoškolske i studentske populacije na nivou cijele Bosne i Hercegovine. Imajući u vidu kraj školske godine kod srednjoškolaca i ispitne rokove kod studenata veći dio emisija se bazirao na uslove i mogućnosti upisa u srednju školu ili fakultet, odabir škole ili fakulteta, organizovanje ekskurzija, matorskih i prijemnih ispita, ispitne rokove te popravne ispite, uslovima studentskog smještaja te ulozi savjeta učenika i studentskih organizacija u ovim pitanjima. Poseban fokus u našim emisijama je bio proces usvajanja zakona o visokom obrazovanju u Republici Srpskoj i Bosni i Hercegovini.

Volonterski programi i globalna partnerstva

VSO/OKC RAZVOJ VOLONTERSKIH PROGRAMA U BIH

U okviru VSO/OKC Razvoja volonterskih programa u BiH u periodu od marta do juna 2006. godine realizovan je Napredni trening o volonterskom menadžmentu i radionica podrške na razvoju volonterskih programa za organizaciju Demokratski Centar Nove Nade iz Bihaća (DCNN).

Napredni trening o volonterskom menadžmentu

Na osnovu potreba i preporuka, OKC je organizovao Napredni trening o volonterskom menadžmentu u Banja Luci od 14. do 17. aprila, na kojem su učestvovali predstavnici NVO-a i Centara za socijalni rad koji su imali priliku da prisustvuju

prvom treningu organizovanom u decembru 2005. godine.

Ovaj put učesnici su sticali nova znanja i iskustva iz oblasti timskog rada, planiranja volonterskih programa, odbijanje i/ili otpuštanje volontera, volonterski ugovor, razvoj evaluacionih formi, zadržavanje volontera i prepoznavanje njihovog rada.

Učesnici su na kraju treninga radili na kreiranju akcionog plana za razvoj volonterskih programa u okviru njihove organizacije/institucije.



Radionica podrške za razvoj volonterskih programa

Na osnovu plana za 2006. godinu, VSO i OKC u okviru zajedničkog programa za razvoj volonterskih programa u BiH je 22. juna u Bihaću za organizaciju Demokratski Centar Nove Nade organizovao asistenciju na kreiranju strategije jačanja volonterskog programa u Bihaću.

U ovoj godini ova organizacija će imati priliku da učestvuje u VSO/OKC programu i kroz druge aktivnosti koje će imati za cilj promociju i razvoj lokalnog volonterskog programa u BiH.

BALKANSKA FUSNOTA

Projekat Balkanska fusnota realizuje se kao partnerski projekat OKC-a, Mladih istraživača Srbije i Volonterskog Centra Zagreb u okviru Mreže mladih jugoistočne Evrope (SEEYN). Projekat ima za cilj da poveže srednjoškolce iz Bosne i Hercegovine, Hrvatske i Srbije kroz kulturnu razmjenu i volonterske akcije. Tokom projekta u sve tri zemlje putem konkursa odabrane su škole koje će učestvovati u

aktivnostima razmjene. U Bosni i Hercegovini najuspješnije na konkursu bile su srednje škole iz Sarajeva – Druga gimnazija, Prijedora- Srednja medicinsko-tehnološka i građevinska škola i iz Jablanice – Srednja škola Jablanica.

Aktivnosti u projektu tokom protekla tri mjeseca odvijale su se u cilju priprema škola za razmjenu sa drugim školama. Ove aktivnosti obuhvatle su zajednički sastanak sa profesorima koji u svojim školama organizuju program razmjene, te sastanke kordinatora projekta sa svim učesnicima razmjene. Svakoj školi koja učestvuje u projektu doniran je grant u iznosu od 1000 eura za pripremu i realizaciju programa koji ima za cilj da predstavi kulturu i tradiciju zajednice u kojoj se razmjena dešava, te volonterske akcije koje će zajednički realizovati učenici škole domaćina i gostujuće škole. Tokom jula realizovaće se ukupno 3 razmjene u Bosni i Hercegovini i to učenici iz Prijedora će ugostiti učenike iz Krapine, učenici iz Sarajeva će ugostiti srednjoškolce iz Niša a učenici iz Jablanice će biti domaćini srednjoškolcima iz Opatije.

Neposredno nakon ovih aktivnosti obaviće se i dvije posjete srednjoškolaca iz BiH srednjoškolcima u Srbiji i to učenici iz Sarajeva će otputovati u trodnevnu posjetu srednjoj školi u Beogradu, dok će učenici iz Prijedora imati priliku da posjete učenike iz srednje škole u Užicu. Sve aktivnosti razmjene pratiće i televizijska ekipa koja će o ovim aktivnostima snimiti dokumentarni film.

RIVER SEE

Drugi dan selekcije RIVER SEE volontera održan u Banjaluci!

Jedna grupa mladih ljudi iz Bileće, Brčkog, Doboja i Prijedora imala je priliku da prođe niz cjelodnevni aktivnosti, tokom kojih je programski tim radio na procjeni njih kao kandidata za buduće RIVER SEE volontere.

Rezultati dana selekcije biće zvanično objavljeni 3 sedmice po samom danu selekcije, a kandidati koji budu izabrani za RIVER SEE volontere trebalo bi da počnu sa volonterskim angažmanom krajem maja ili najkasnije početkom juna mjeseca ove godine. Njihov period volontiranja trebao bi da traje od najmanje 3, pa do 9 mjeseci.

Osnovni cilj RIVER SEE programa je pružanje doprinosa integraciji regiona, društvenoj koheziji i smanjenju siromaštva na Balkanu jačanjem mreža kroz istok-istok razmjene volontera, promocijom volontizma i aktivnog učešća građana, izgradnjom kapaciteta građanskog društva, da bi

se bavili lokalnim razvojem i procesima dobrog upravljanja, te uspostavljanjem široke regionalne saradnje građanskih inicijativa.

Više informacija o RIVER SEE programu pronaći ćete na stranici www.riversee.org

RIVER SEE programski sastanak

30. maja ove godine predstavnici OKCa sastali su se u Sarajevu sa UNV APEC programskim specijalistom, te sa UNV/RIVER SEE programskim timom.

Bila je to prilika za naše organizacije da analiziramo tok realizacije RIVER SEE programa, sa posebnim osvrtom na dešavanja tokom 2006. godine, te na strategiju RIVER SEE programa do i nakon marta 2007. godine.

OKC KONTAKT TAČKA ZA PROGRAM EVROPSKE KOMISIJE „MLADI“

Uspostavljena internet prezentacija programa Evropske komisije „MLADI“ za BiH

OKC Banja Luka, OKC Abrašević i OC Jajce kao kontakt tačke za program Evropske komisije „MLADI“ su uspostavili internet prezentaciju ovog programa na slijedećoj adresi www.program-mladi.org

Na ovaj način želimo da ovaj program učinimo više dostupnim omladinskim organizacijama u BiH, a koje su zainteresovane da učestvuju u ovom program, ili su već uključeni.

Pored svih relevantnih informacija o samom programu, stranica će se redovno ažurirati svježim informacijama, najavama, pozivima za partnerstvo, itd.

OKC započeo ciklus prezentacija o programu Evropske komisije „MLADI“

U ulozi kontakt tačke za program Evropske komisije „MLADI“ u BiH, OKC je 20. juna organizovao prezentaciju ovog programa u prostorijama OO „Centar“ Mrkonjić Grad. Korisne informacije i savjete o učešće u ovom programu imali su priliku čuti predstavnici OO „Centar“, OSCE-a i opštinskih vlasti.

U narednom periodu OKC će realizovati prezentacije ovog programa u Banja Luci, Prijedoru, Sanskom Mostu, Bihaću, Zvorniku, Derventi, Doboju i Brodu.

U slučaju da neka od omladinskih organizacija iz gore navedenih gradova zainteresovana da prisustvuje ovim prezentacijama molimo Vas da kontaktirate Milku Mimić

radi dogovora oko termina pute slijedeće e-mail adrese: milka.mimic@okcbl.org

Pored OKC-a, OKC Abrašević i OC Jajce takođe realizuju ovu aktivnost u ostalim gradovima BiH kao druge dvije kontakt tačke za ovaj program u BiH.

„LOKALNI VOLONTERSKI SERVIS GRADA BANJA LUKE“ POSTAO SAMOODRŽIV PROGRAM

30. aprila 2006. godine, OKC je završio sa realizacijom projekta „Lokalni volonterski servis grada Banja Luke“. Ovaj projekat je bio finansiran od strane Projekta upravne odgovornosti (GAP) kroz fondove USAID i SIDA.

Cilj ovog projekta je bio osnivanje i podržavanje rada lokalnog volonterskog servisa (LVS) na nivou grada Banja Luka. LVS je otvoren za sve građane i potencijalne korisnike volonterskih usluga za volonterske aktivnosti koje mogu doprinosti rješavanju postojećih problema u lokalnoj zajednici. Pored toga, LVS svojim radom utiče na pozitivni razvoj građanskog društva i njegovih vrijednosti kroz podsticanje aktivnog učešća mladih i građana. LVS takođe ima važnu ulogu u promociji i razvoju volonterizma i lokalnih volonterskih programa.

Nakon završetka ovog projekta, LVS je postao u potpunosti samoodrživ u svom radu.



Aktivnosti realizovane tokom cjelokupne realizacije projekta:

- Adaptacija prostora za rad i nabavka neophodne opreme
- Medijska promocija projekta putem bilbord kampanje, promotivnih materijala i radio emisija „Volonterski bukvar“ na radiju „Balkan“. Pored toga izrađen je kratki dokumentarni film koji prezentuje

cjelokupni projekat i njegove rezultate.

- Izrada softverske baze podataka za evidenciju volontera, njihovog angažmana, kao i organizatora volonterskih usluga
- Uspostavljanje saradnje sa javnim institucijama i nevladinim organizacijama
- Angažman volontera na različitim volonterskim projektima koja je uključivala i njihovu edukaciju, superviziju, monitoring i evaluaciju

Ove aktivnosti su postigle slijedeće rezultate:

- Uspostavljena efikasna struktura LVS-a
- Izvršena uspješna medijska promocija projekta na lokalnom i širem nivou
- Postojeća baza podataka sa 290 volontera na dan završetka projekta
- Uspješno angažovano 260 volontera na različitim volonterskim pozicijama
- Kroz volonterski angažman pokriveno oko 3000 korisnika različitih kategorija socijalne potrebe
- Na pozitivan način promovisan volonterizam i njegov doprinos razvoju lokalne zajednice i rješavanju postojećih problema.

Uz podršku OKC-a i VSO-a (Prekomorski Volonterski Servis), LVS nastavlja dalje sa svojim radom na angažovanju volontera i ispunjenju svog cilja kroz saradnju sa javnim institucijama i nevladinim organizacijama.

LJETNI VOLONTERSKI KAMPOVI

Sezona ljetnih volonterskih kampova je već odavno počela, sa većim i potpunijim brojem kampova i zemalja u kojim se održavaju, a tako i sa većim brojem prijavljenih i na kampove primljenih volontera. Većina njih se odlučila za kampove u inostranstvu (Francuska, Belgija, Italija, Mađarska...) a tek par za one u regionu. Do sada smo imali 15 aplikacija, svi voloteri su uspjeli dobiti mjesto na kampovima (od njih su tek 2 odustala zbog ličnih razloga). I dalje vas pozivamo da nam se obratite ako priželjkujete da na jedan, po svemu poseban način, provedete ljetu!!!

Radio Balkan

U periodu od marta do juna 2006 godine Radio Balkan je nastavio sa redovnim aktivnostima. Polako se privodio kraju prvi ciklus emisija Studentski žurnal i Veliki odmor koje je donirao National Endowment for Democracy od juna

2005. godine. U skladu sa dobro urađenim prvim ciklusom pomenutih emisija, novi ciklus je počeo od maja 2006 godine i trajaće do kraja ove godine. Važno je naglasiti da je novi ciklus, kako tehnički, tako i u svakom drugom pogledu, komplikovaniji i jedinstveniji na projekte sličnog tipa. Naime, novi ciklus emisija Studentski žurnal i Veliki odmor se radi u zajedničkoj koprodukciji 4 BiH radio stanice, a sve je inicirano od strane OKC-Radija Balkan. Te 4 radio stanice su Vesta radio iz Tuzle, Studentski radio Efm iz Sarajeva i Omladinski studio X iz Mostara. To ovom projektu, u svakom pogledu daje na težini i važnosti. U ovom ciklusu naprijed pomenutih emisija glavna tema je Reforma obrazovanja u BiH i učešće srednjoškolaca i studenata u istoj. Web stranica www.radio-balkan.com je i u ovom periodu prolazila kroz estetska i tehnička usavršavanja i unapredjenja, a bilo je izuzetno lijepo saznati da je Radio Balkan prva na listi slušanosti nenarodnih radio stanica putem interneta u BiH po istraživanju jedinog portala koji se bavi tim pitanjem u BiH, a to je www.radiostanica.ba.

Psihosocijalni programi

PSIHOLOŠKO SAVJETOVALIŠTE

Psihološko savjetovalište u OKC-u i dalje svakim radnim danom od 17 do 20 casova građanima Banjaluke nudi usluge psihološkog savjetovanja, profesionalne orijentacije te individualnu i grupnu psihoterapiju.

Usluge za zajednicu

KURSEVI ENGLESKOG JEZIKA

U aprilu mjesecu na kurs engleskog jezika se upisalo 87 polaznika. I ovog puta, OKC je najbolje polaznike u grupi nagradio besplatnim upisom na kurs.

Ova grupa završava sa nastavom 10. jula, nakon čega slijedi ljetni raspust i prijave za naredni stepen koji je planiran da bude organizovan u septembru.

Sastanci i ostale aktivnosti

KORAK PO KORAK – DO OMLADINSKE POLITIKE GRADA BANJALUKE

“Mobilnost mladih, participacija u društvu i omladinski rad” jedna je od sedam radionica, a i tematskih oblasti, održanih tokom februara i marta mjeseca, a sa ciljem kreiranja dokumenta Omladinske politike Grada Banjaluke. Ovoj radionici prisustvovalo je oko 15 učesnika – aktivista nevladinih organizacija, izviđača, predstavnika studenatskih organizacija, predstavnika savjeta učenika srednjih škola. Tokom radionice održano je strateško planiranje u okviru ove oblasti, kada je urađena kratka SWOT analiza, definisani strateški pravci i ciljevi oblasti, očekivani rezultati, te utvrđen akcioni plan za vremenski interval 2006-2011. godine.

Moderator radionice bio je Ilija Trninić, a organizator i realizator aktivnosti kreiranja dokumenta Omladinska politika grada Banjaluke je Omladinski savjet Republike Srpske.

OKC – ČLAN OMLADINSKOG SAVJETA BANJALUKE

U Banjaluci je 18. maja ove godine u prostorijama Administrativne službe Grada Banjaluke (ASGBLa) održana i redovna skupština Omladinskog savjeta Banjaluke (OSBLa). Na ovom zasjedanju usvojen je zapisnik sa Osnivačke Skupštine OSBLa, usvajanje finansijskog i narativnog izvještaja OSBLa, primljene su nove članica u OSBL, razriješeni su dužnosti članovi Koordinacionog i Nadzornog odbora u prošlom sastavu, vođena je diskusija pa je usvojen i prijedlog izmjena i dopuna Statuta OSBLa, izabrani su (ili predloženi) članovi za nove organe OSBLa - Upravni odbor, Nadzorni odbor, Statutarno-pravna komisija, Predsjednik Skupštine OSBLa), a usvojeni su Strateški pravci razvoja OSBLa i Akcionog plana OSBLa. Novim članicama OSBLa postalo je još 8 nevladinih/omladinskih organizacija: Odred izviđača “22. April”, AIESEC – Međunarodno udruženje studenata Ekonomskih i Organizacionih nauka, Studentska organizacija Banjaluke (SOBL), PROTOK, Udruženje građana Oksigen, Udruženje Zdravo odrastanje, Udruženje za razvoj urbane kulture (URUK) – kao i Omladinski Komunikativni Centar (OKC).

Novoizabrani Upravni odbor OSBLa dao je sebi za zadatak

da se što prije sastane i pripremi novu – vanrednu sjednicu OSBLa, kada će se više pažnje obratiti na programsku strategiju OSBLa, te znati više informacija o strateškom planiranju OSBLa, koje treba da se desi u najskorijem periodu.

SASTANAK SA PREDSTAVNICIMA ROBERT BOSCH FONDACIJE

U prostorijama OKC-a je 3. marta održan sastanak sa predstavnicima Robert Bosch fondacije koji su u okviru regionalne posjete se sastali sa predstavnicima nevladinih organizacija iz Banjaluke.

Predstavnik OKC-a se učestvovao na sastanku 2. maja u Banjaluci sa predstavnicima Evropskog parlamenta i predstavnicima lokalnih NVO-a, a teme su bile ljudska prava i građanske slobode u BiH, rad nevladinih organizacija i nivo građanske participacije i građanskog društva u periodu tranzicije.

EVROPSKA UNIJA I OBAVEZE BIH NA PUTU U EU

Predstavnik OKC-a učestvovao je tokom februara i marta na seminarima za peer edukatore na temu „Evropska Unija i obaveze BiH na putu u EU“.

Dva seminaru u ukupnom trajanju od 10 dana, realizovani su u okviru projekta koji finansira EU a implementira NVO Luna iz Rudog. Edukatori na ovim seminarima bili su profesionalci – eksperti iz date oblasti.

Nakon toga, aktivista OKC-a je, u timu sa još tri peer edukatora, održao dvodnevni seminar u Banjaluci za 15 mladih iz Banjaluke, Kotor Varoša, Dervente i Modriče

SEMINAR „OZNAČI OVE IZBORE“

Član OKC-a je u junu prisustvovao dvodnevnom seminaru u Tuzli na temu „Označi ove izbore“. Organizator je bio Helsinški Parlament Građana Tuzla a obrađivane su sljedeće teme:

- Zašto moj glas znači? – važnost učešća na izborima u demokratskom društvu.
- Praćenje rada izabrane vlasti i mogućnosti uticaja u postizbornom periodu.
- Kako animirati mlade da učestvuju u izbornom procesu?